

I. N. J. C.

DISSERTATIO ACADEMICA,

VERITATEM
RELIGIONIS EVANGELICÆ
EX SCRIPTIS GENTILIUM
ADSERTAM

EXHIBENS,

QUAM

*Adiuente Amplissima Facultate Philosophica
In illustri ad Auram Athenceo,*

Sub UMBONE

M^{AG.} JOHANNIS
BILMARK,

HIST. & PHIL. PRACT. PROF. REG. & ORD.

Publico bonorum examini modeste subjicit

JOHANNES NIC. GUMMERUS,
SAVOLAXIA FENNO.

IN AUDITORIO MAJORI AD DIEM X. DECEMBR.
ANNI R. S. MDCCLXVI,

H. A. M. S.

ABOÆ

Impressit JOH. CHRISTOPH. FRENCKELL.

KONGL. MAJ:TS
TRO. TJENARE och CAPITAINE
Vid Tavastehus - Läns Regemente
Samt RIDDARE af Kongl. Svärds-Orden,
Välborne HERREN,
Herr JACOB BÖISMANN.

KONGL. MAJ:TS
TRO. TJENARE och HÅRADSHÖFDINGE,
Högvälborne BARON,
Herr HENRIC JOHAN
RHEBINDER.

MINE HERRAR och

Til. Skyldigt.
Af. EDRA. Stora. Och.
Sa
Min. Beständiga. Vörd-
Up-offras.
Detta. Mitt. Acade-
Blif.
EDRA. Dagar.
Samt. EDER. Lefnad.
Som. Af. Innersta.
MINE.

Ödmjukatte.
JOHAN NICOL.

KONGL. MAJ:TS
TRO-TJENARE och HOF-SECRETERARE
Samt

KRONO-BEFALLNINGSMAN i Savolax Nedredels Härad,
Ådel och Högaktad,

Herr HENRIC MARTINI.

KONGL. MAJ:TS
TRO-TJENARE och LIEUTENANT
Vid Carelska Esquadron,
Välborne,

Herr HERMAN BERNT
von BURGHAUSEN.

HÖGGUNSTIGE GYNNARE.

Minnesmärke.

Oförtjenta. Välgjerningar.

mt.

nad. Och. Årkänsla.

EDER.

miska. Arbete.

ve.

Så. Många.

Så. Säll. Och. Fornöjsam.

Hjerta. Önskar.

HERRARS.

Tjenare.

GUMMERUS,

OECONOMIE • COMMISSARIEN OCH KRONO - LÄNSMÄNNEN,

Välaktad,

Herr HENRIC GUMMERUS,

Min Högtärade Käraaste FADER.

D e är ej en eller annan, utan otaliga ömhets prof och
välgjerningar, hvarmed jag af Min Käraaste FADER
alt intil denna stund blifvit övernopad. Innan jag än hade
lärt skilja högra handen ifrån den vänstra, ljuset från mör-
kret, har EDER kärleksfulla omsorg redan varit vakande öf-
ver min ungdoms snafvande fjät. Den samma har sedemera ej af - utan dageligen tiltagit, då EDERT ögnamärke
blifvit, at hos mig upväcka affsky för laster, och kärlek ej
til något förgängeligt, utan til dygden, som med skjäl skat-
tas högre, än alla verldenes ägodelar. Ingen må dersöre
undra, om jag nyttjar detta lyckeliga tilsfället, då mig veder-
fars den lange efterlängtade förmånen, at allmänneligen få å
daga lägga den vördnad och tacksamhet, som hos mig för-
borgad legat. Uptagen, Min Huldaaste FADER, dessa blad,
hyvilka jag EDER härmadelst upoffrat såsom vedermåle af
min barnliga vördnad och beständiga tilgivvenhet. Den
Högste Guden göre Mina Kära Föräldrars lefnadsdagar få
många och förnögra, som deras välgjerningar emot mig va-
rit otaliga, och de succar jag nu och altid upsländer åro
brinnande. Med beständig vördnad framhärdar til sidsta
lefnadsstunden

Min Högtärade Käraaste FADERS

Ödmjuk - Lydigste Son
JOH. NIC. GUMMERUS.



D. D.

§. I.



Quemadmodum ignis, favilla licet un-
dique tectus, vim suam illuminan-
di non statim amittit, sed impositas
moles sensim eluctans, lucidos ra-
dios iterum emittit; ita veritas, ob-
scuro licet *Democriti* putoe derne-
sa, nunquam tamen ita obscurari potest, quin ex fa-
bularum & allegoriarum caligine in lucem prodeat,
vim suam exferat & de mendacio ad extremum tri-
umphet. Docent hoc gentilium Philosophorum scri-
pta, quæ licet variis figmentis atque ineptis subinde
opinionibus scaturiant; attamen ut ex stercore *Enni*
aurum collegit *Virgilius*, ita quoque prudens Lector
ex illis haud pauca haurire, atque in usus suos con-
vertere potest. Quamobrem etiam illi ipsi Ecclesiæ
Doctores, quos Patrum nomine celebramus, veterum

A

Philos

Philosophorum scripta sedulo evoluerunt, quæ sobria
 animadverterent, libris suis apte inseruerunt, nec im-
 pediverunt alios, quo minus per Philosophiæ arua
 exspatiari possent. Commendat inter alios CLEMENS
 ALEXANDRINUS Philosophiam, quod ad Religio-
 nem Christianam viam sternet in hunc modum:
 Ἐπιδιαγώνει καὶ Φιλοσοφία τὸν Ἑλληνικὸν ὡς ὁ νόμος τῆς Ἑ-
 βραικῆς εἰς Χριστόν προσπαρασκευάζει τοντον ἡ Φιλοσοφία, προσ-
 δοποιεῖται τῷ ὑπὸ Χριστὸν τελειώμενῳ, id est: Igitur etiam Phi-
 losophia Græcos, sicut Lex Hebreos, deducebat ad Chri-
 stum. Preparat ergo Philosophia, ei viam sternens, qui
 a Christo perficitur (a). Et profecto cum mens no-
 stra attente considerat tam defectus, quibus labora-
 mus, quam peccata, quæ quotidie committimus,
 Deumque ita offendimus; satis animadvertisit, se, sal-
 va justitia Divina, in gratiam ejus sine prævia fa-
 tisfactione redire non posse. Talem vero peccata ex-
 piandi modum quum mens nostra nullum inveniat,
 mox colligit, aut nullam omnino generi humano da-
 tam esse rationem, ex hoc miseriarum barathro emer-
 gendi, id quod bonitati Divinæ, quam eximiam quo-
 tidie experitur, e diametro repugnaret; aut Deum a-
 licui genti patefecisse modum, ad sanctiorem vitam
 & veram cum ipso conjunctionem perveniendi. Huic
 studio intenti gentiles modo per traditiones orales,
 modo per conversationem cum Christianis & per eo-
 rum libros, vel alia ratione, ut miram virtutis cul-
 torum curam agit benignissimum Numen, ad plenio-
 rem de Deo cognitionem lensim pervenerunt. Valet hoc
 imprimis de gentilibus, qui proxime post nativitatem
 Chri-

Christi vixerunt; quorum nonnulli, qui Philosophiæ & Religionis suæ lacunas animadverterent, utramque in ludibrium eo tempore prostitutam honestiore velo palliarunt, & surreptas a Christianorum purpura laci-nias ingeniose illis aduerunt: alii autem convitiis eos sunt infectati, quorum dogmatibus profecerant, sed simul tamen effecerunt, ut veritas inter sarcasmos, velut rosa inter spinas & granula auri inter scorias, micet, utque verum sit, quod inimici etiam quando-que prospicunt. Hoc plenius monstrabit præsens opella, breviter strictimque probatura, veritatem Religionis Evangelicæ ex scriptis etiam gentilium adseri posse. Inveniet forte in his pagellis cordatus Lector nonnulla, quæ legisse haud displicebit. Cum enim Au-ttores, quorum effata producemus, primis Christianismi temporibus vixerint, eaque scriptis consignave-rint, quæ plerisque saltem nota essent, illorum vel de Christianis primitivæ ecclesiæ testimonia vel infor-mitæ opiniones libris eorum insertæ penitus non erunt rejiciendæ. Deinde licet multi hostes Christianorum fuerint, attamen & hi, quoties laudant, verum dixi- se merito putantur. Adde, quod hi inimici non a-deo profligatae impietatis fuerint, ut non viri boni haberi voluerint; quare nihil tam audacter effutire potuerunt, quin veritas ipsorum effatis subesset, quam-vis monstroso, ut ab invidis fieri solet, habitu vesti-ta: alioquin mendacii argui mox potuissent. Denique cum dentur homines, qui omnem Religionem, præ-ter naturalem, eliminatam cuperent, majusque, hor-reo dicere, pretium gentilium scriptis, quam verbo

DEI revelato statuant, ex nostra dissertatione intelligent, gentiles Philosophos primis saeculis florentes; ea per traditionem, conversationem, aliosque modos cognovisse, mysteria, in quibus cardo salutis nostrae vertitur. Pudeat igitur hos, sublimiorem Philosophiam profitentes, in meridiana Evangelii luce ad haec cæcutire, quorum radios in spissis ignorantiae atque superstitionis tenebris adspexerunt gentiles. Qui vero si nihil moveantur, Tu tamen B. L., quæ Tua est probitas, meliorem in partem interpreteris, quicquid a bono nostro emanavit proposito.

(a) CLEMENS Alexandr. Stromat. I. p. m. 282.

§. II.

Ne autem quis nostra forte legens, præpropere colligat, veteres Philosophos solius rationis lumine ea dogmata fuisse adsecutos, quæ mox proferemus, adeoque hinc occasionem sibi sumat, viribus ingenii humani plus justo tribuendi; observare licet, quod Philosophi gentiles ex limpidis Christianorum rivis sua saepius irrigaverint arua: quare etiam eruditissimi viri velut conditionem rei furtivæ contra illos passim instituerunt. Sic fragmentum quoddam ex A. MELIO, Philosopho Platonicæ sectæ addicto, nobis conservavit EUSEBIUS, ex quo constat, quod ille Evangelium JOHANNIS viderit, siquidem primos hujus versus non sine laude citet (a). Eusebio pollicem premit BASILIUS: *Hæc, inquit, intelligit ea, quæ paullo ante ex Jobannis Evangelio adduxerat, ego novi mul-*
tos,

tos, etiam extra veritatis rationem mundana sapientia præditos, jactantes & admirantes suis decretis & scriptis miscere ausos fuisse: κλίπτης γαρ ο διάβολος ηδ τὰ ἡμέτερα ἵψεοντα προς τὺς ἑαυτὰς ὑποφήτας, id est: fur enim est Diabolus, qui nostra, que sunt, extra ad suos fert interpretes (b). Taceo jam JOH. OWENUM (c), HUETIUM (d), CAWEUM (e), STANLEJUM (f), MOSHEIMIUM (g), aliosque, qui plagia gentilium Philosophorum satis derexerunt; sed mihi temperare non possum, quin adferam LUCÆ HOLSTENII testimonium. Observat autem ipse: *In posteriorum Platonicorum scriptis, præsertim PLOTONI, JAMBЛИCHI & PROCLI multa paſſim reperiri, quæ non ex obviis aut communibus Religionis nostræ dogmatibus, sed ex intimis reconditissimisque Mysticæ Theologiæ penetralibus videantur deponita; neque obiter tantum strictiusque verbis adumbrata, sed proprio ac efficacissimo orationis genere adeo luculenter ab iis expressa, ut magnis ingenii materiali dubitandi non levem reliquerint, alios in eum impulerint errorem, ut quæ apud vetustissimos Ecclesiæ Scriptores Divina prorsus in hoc genere existant, ea inverso ordine a Platonicis illis mutuata, & velut Ægyptiorum spolia in pios usus conversa adfirmaverint, atque isto etiam arguento præstantissimorum operum fidem & auctoritatem convellere voluerint (b).* Scilicet hoc inter vaserrimas Diaboli artes erit ponendum, quod cum animadverteret, superstitiones gentilium, orta per orbem Evangelii luce magis magisque evilescere, viros quosdam eruditos excitaverit, qui venena sua grato modo hominibus propinarent, atque monstrofa

strosa opinionum lolia fragranti Evangelii tritico misserent, ut venusta specie incautos deciperet.

- (a) In *Preparat. Evangel.* XI. 10. (b) Vid. *Homil. XVI.*
 in *Princip. Jobannis.* (c) Confr. *Eius librum, qui inscribitur Theologumena.* (d) In *demonstratione Evangel.* Prop. IV. p. 23.
 (e) Vid. *GUILL. CAVE Christianism. primitiv. Lib. III. pag. 64.*
 (f) Vid. *Append. ad IH. STANLEJI Histor. Philosoph.* Cap. VII.
 p. 1221. (g) In *dissertat. de studio Ethnorum Christianos imitandi.* (h) In *libro de vita & scriptis PORPHYRII Cap. VI. p. 28.*

§. III.

His ita præmissis, inoffenso magis pede ad institutum nostrum progredimur, præcipua quædam capita Religionis nostræ proposituri, sed quæ pleraque talia sunt, ut ex nullis rationis, quantumvis politæ, principiis deduci queant. Hæc tamen quæ gentilibus penitus ignota non fuerint, nec in singulorum scriptis occurrant, liquido apparer, & ista ab illis aliunde mutuata fuisse & simul contra hæreticos valet, quod hæc dogmata, quæ recentia isti crepant, canam omnino sapient antiquitatem. Huc primo loco referimus Augustum Sacro Sanctæ Trinitatis Mysterium, quod sint tres personæ in Divinitate. Sicut autem hoc ad salutem obtinendam scitu maxime est necessarium, nam nisi Deum recte cognoscamus, eundem rite colere non possumus; ita a primordiis inde mundi dogmanti momenti populo saltē, quem in proprium delegerat Deus, innotuisse & credere par est & viri docti pridem ostenderunt; ex quo deinceps ad Ægyptios

ptios aliasq; gentes ejusdem notitiam, multum licet succelitu temporis corruptam, pervenisse verisimile est. Non enim fortuito factum est, ut quum saniores Philosophorum gentilium Polytheismum valde aversarentur, in Divinitate tamen Trinum quoddam admiserint. Audiamus enim gravissimum PLATONEM, qui utramque sententiam comprobat. De unitate namque DEi passim loquitur & quidem apertius in *Epistola XIII. ad Dionysium*: τῆς μὲν γὰρ πεποίησις ἐπιστολῆς Θεος ἄρκει, Θεὸι δὲ τῆς θεού, id est: *Seriae igitur epistolæ initium est Deus, Dii autem non serie.* Idem quoque, quoties impune facere potuit, redarguit gentium πολυθεότητα; & quod magis est, irridet. De Trinitate etiam in *II. epist. ad Dionys.* ita differit: περὶ τῶν πάντων θεοτήτων πατέρι, καὶ ὑκέντη ἔνεκα πάντα. Καὶ ἐκεῖνο αἵτιον αἴπαντων τῶν καλῶν, δεύτερον δὲ περὶ τὰ δεύτερα, καὶ τετάτον περὶ τὰ τετά; id est: *Circa omnium Regem cuncta sunt, & illius causa omnia.* Et ipse est omnium rerum pulchrarum causa, secundum circa secunda, & tertium circa tertia. Atque in aliis locis mentionem facit τὸ Boni & Filii illius, nec non τὸ λόγον τῶν πάντων θεωτάτων (a). Satis pro gentili, qui cicutam extimescebat, si avitas superstitiones novis placitis convellere sustinuerit. Sed mitimus antiquissimos Græcorum Philosophos, siccō et jam pede præterimus tria Ægyptiorum maxima Numinia, OSIRIN, ISIN & ex utroque genitum ORUM, atque Philosophorum, ætati Christi proximorum, scripta breviter lustrabimus. Sicut enim tunc fulgere cœperat senior Philosophia, ita etiam lucis luæ radiis dogmata Ethnicorum late perfudit. In antecellum ve-

ro observamus, quod mirari omnino conveniat, cur nonnulli Patrum ecclesie, qui primis vixerunt saeculis, parcus, immo obscure satis de Mysterio Trinitatis loquantur, quod non ignorantiae tribuendum, sed inde factum videtur, quia nemo Christianorum dogma tanti momenti in dubium tunc vocare auderet. Interim tamen dogma a Christianis ea tempestate haud neglectum fuisse, docent σύγχρονοι gentilium Philosophi. Vixit LUCIANUS saeculo secundo & sicut sanctissima nostra Religio fides ipsi in oculis fuit, ita eandem proscindere non dubitavit; quo tamen eidem non tam obfuit, quam profuit. Ipse inter alia in notissimo dialogo, qui Φιλόπατερ nomine insignitur, inducit TRIPHONEM, qui CRITIÆ, quemnam juraret Deum i Interroganti respondet: Ὅψισθεττα Θεὸς, μῆτη, ἀμεθότον, γενέσια, νίος Πατέρος, πνεῦμα ἐκ πατέρος ἐκπορευόμενον, ἐν τοῖς, καὶ εἰς τοῖς τέσσαρα ταῦτα τούτης ἔπειτα, τοῖς δὲ πολὺ Θεοῖ, id est: Deum alte regnantem, magnum, aethereum, atque eternum Filium Patris, Spiritum ex Patre procedentem, unum ex tribus, & ex uno tria. Hæc tu Jovem putas, hunc existima Deum (b). Cæcus sit oportet, qui non videt, quod LUCIANUS digitum heic intendat in Symbolum Christianorum. Denique vel hinc constare arbitramur, primos Christianos tres Personas in Divinitate & unicam tamen essentiam agnoscere, nec hanc de S. S. Trinitate doctrinam a Concilio Nicæni Patribus primum excogitatam fuisse, sicut WHISTONUS aliquique Antitrinitarii audacter nimis contendunt, & impio conatu aliis persuadere operose nituntur.

(a) Vid. Libr. VI. de Republice. & in Epinomide. Quare Platonicis imprimis arrisit, quæ JOHANNES Evangelista scripsit περὶ τὴν λίγην, adeo ut AUGUSTINUS fateatur, se a SIMPLICIO, Mediolanensem Episcopo, saepius audivisse, quandam ex Platonicis dixisse: *Aureis iusteris describendum esse Evangelii Jobannis initium & in conspicuis Ecclesiarum omnium locis proponendum*, De Civitate Dei X: 28. (b) Vid. Lib. CLAVI Pbitopatris oper. Ejus Tom. IV. p. m. 468.

§. IV.

Alterum Religionis nostræ magnum mysterium merito ponimus, quod CHRISTUS, Salvator noster in sæcula benedictus, sit verus Deus & Homo. Quod humanam ipse habuerit naturam, vix ullus est, qui dubitat: Divinitatem autem Christi non solum plurimi gentilium, sed quidam etiam eorum, quos in gremio suo nasci & educari vidit Christiana Ecclesia, audacter impugnarunt. Sed hi fere sunt, qui extra Scripturam Sacram sapere & omnia mysteria ingenii sui curta decempeda metiri volunt. Quanto his sapientiores gentiles nonnulli, qui Christum verum esse Deum agnoverunt. Tacemus jam Centurionis illius effatum, cui crucifixio Christi demandata fuit, qui cum videret, totam fere naturam, deficiente atque animam exhalante Christo, deliquum pati, ipsum verum esse DEI filium aperte profitebatur (a). Cum enim domestici Scriptores hoc testimonium referant, non deerunt, qui ejus fidem atque auctoritatem sollicitabunt. De TIBERIO, Imperatore Romanorum, constat, quod cum ipse cognovisset miracula, quæ Salvator

tor noster ediderat, ipsum in numerum Deorum, quos coluit, referre decreverit (*b*). Pari modo ALEXANDER SEVERUS atque HADRIANUS, Christum pro Deo habuerunt, tempa illi decreverunt, atque ad imaginem Ejus, quam in larariis suis constiterant, rem Divinam fecerunt (*c*). Audiamus impensis JULIANUM APOSTATAM, qui odio licet plus quam Vatiniano in Religionem Christianam ferebatur, tandemque funditus extirpare nitebatur, de Christo tamen DEo in hunc modum differit: Τὸν γὰν Ἰησὸν ὅτε
 παῦλος ἐπόλυπτος εἶπεν Θεῖν, ὅτε Ματθαῖος, ὅτε Λυκᾶς,
 ὅτε Μάρκος, ἀλλ' ὁ χρηστὸς Ιωάννης αἰσθόμενος ἡτοὶ πολὺ πλῆθος ἑλλήνων τοι πολλαῖς Ἐλληνίδων καὶ Ἰταλιωτίδων πίλεων ὑπόταυτης τῆς νόσου. Et paucis interjectis. Καὶ ὁ λόγος Φησί, σάρξ
 ἔγινετο καὶ ἰσχήμωσε ἐν ἡμῖν, τὸ δὲ σπῶτας λέγειν αἰσχυνομένος,
 οὐδαμούσθις αὐτὸν Ἰησὸν ὅτε χριστὸν ἄχρις 8 Θεὸν καὶ λόγον ἀποκάλει,
 id est: JESUM neque Paulus DFum dicere ausus fuit, neque Matthæus, neque Lucas, neque Marcus, sed bonus ille Jobannes, cum sensisset, magnam multitudinem in plerisque urbibus Græcis atque Italicis jam tum eo morbo captam esse. - - - Et verbum, inquit, caro factum est, & habitavit in nobis, sed quomodo dicere veritus; nullatenus autem eum neque JEsum neque Christum appellat, usque eo dum DEum & Verbum nominet (*d*). Ex quo discimus testimonio, quod plurimi populi jam JOHANNIS ævo & antequam Evangelium ejus fuit promulgatum, de Divinitate Christi fuerint persvasi. Adeoque non satis admirari possumus cæcitatem Ariannorum, Socinianorum, aliorumque, qui in Scriptura Sacra non vident Divinitatem Christi adsertam, quam tamen

tamen in limpidissimo hocce speculo se satis videre fatetur gentilis, idemque acerrimus Christiani nominis hostis (e). Immo gentiles vitio verterunt Christianis, qui primis a C. N. saeculis vixerunt, quod alios omnes Deos rejicerent, atque solum Christum adorarent. Audiamus enim LUCIANUM, qui ita differit: Ἐπειτα δὲ οἱ Νομοτέθη οἱ πρώτοι ἐπεισεῖ αὐτοῖς σει. Christianis, ὡς αἰδελφοὶ πάτερ εἴη αἰδελφῶν. ἐπειδὴν ἀπαξ παραβαῖτες, Θεοὺς μὲν τὰς Ἑλληνικὰς ἐπαρνησάται, τοὺς δὲ αὐτοκολοπισμένους ἔκεινους σοφίσην αὐτῶν προσκυνάστι, καὶ κατὰ τὰς ἔκεινας νόμους θιάστι, id est: Deinde primus eorum ἐγιλατορ persuasit illis, omnes inter se fratres esse; deinceps postquam semel transgressi sunt, omnes Græcorum Deos repudiarunt, & solum crucifixum illorum Sophistam (f) adorant, & secundum Ejus leges vitam instituunt (g). CELSUS etiam de Christianis fatetur, quod ipsi Christum propter miracula ab eo patrata crediderint, verum esse Deum: Εὐοδίσατε αὐτὸν ἵναν νίον Θεόν, ἵπει χωλὺς καὶ τυφλὸς ἴθερπτευτός; id est: creditis eum esse Dei filium ideo, quod claudos & cacos sanavit (h).

(a) Matth. XXVII. 54. Mare. XV. 39. (b) Vid. TERRA TULLIAN. in Apologet. Cap. I. (c) Vid. LAMPRIDIUS in vit. Alexandri SEV. Cap. XI. III. & XLIX. (d) Confr. CYRILLUS contra Julianum Lib. X. p. m. 327. (e) Vid. Reverend. Episc. SERENIL Traet. Christendomens Skryka af Hedningarnas om-dömen om Christo p. 49. (f) Nescio sane, an hoc blasphematore multo melior censendus sit Author libri, qui inscribitur Espion Chinois dans toutes les Cours de L'Europe, qui Christum Salvatorem nostrum passim & ubique vocat CONFUTIUM Christianorum. Dolendum omnino, quod inter Christianos

dentur tales Ethnicorum mimi, qui Sanctissima etiam Divinorum Personarum Nomina ad illorum mentem effingere & pervertere non dubitent. (g) De morte Peregrini p. m. 277.
 (b) Vid, ORIGIN, advers. Cels. Lib. II, p. 87.

§. V.

Qui Christi nomen vel ignorarunt vel callide sup̄p̄sserunt, ipsum tamen ut Servatorem & omnis mali averruncum religioso cultu sunt prosecuti. Huc imprimis referimus SIMPLICIUM, gente Cilicem, & Græcorum Aristotelis interpretum facile Principem, qui ita ingemiscit: τὸ τρίτον, τὸν ΣΩΤΗΡΑ ἵκετέων αὐτοῖς τελεῖος τὴν αὐχλῆν τῶν ψυχικῶν ἡμῶν ὀμιλάτων, ὅφει γνώσκων δὲν, κατὰ τὸν Θύμον, ἢ μὲν Θεὸν ἢ δὲ καὶ Λύδεα, id est: Denique SERVATOREM comprecoꝝ, ut penitus abſtergere velit omnem caliginem ab oculis animarum nostrarum, ita ut clare, sicut HOMERUS loquitur, & Deum & Hominem cognoscamus (a). Ex qua quidem oratione Christianum quis diceret hunc SIMPLICIUM, nisi tam aliunde, quam ex libro suo, quem citat, symbolico adfatum constaret, ipsum gentilismo, velut infelici rupi, adhæſisse, atque a Christo longe adhuc abfuisse. Taceo alia hoc pertinentia; silentio tamen non erit prætereundum, quid in isthoc negotio senserint Veteres Gothi. Fatemur equidem nomen Christi illis sub paganismo ignotum fuisse, talia tamen THORONI, Deo suo, tribuerunt, ex quibus colligi potest, famam Mediatoris inter illos percrebuſſe. Docuerunt enim, illum in hunc mundum venisse, ut mala toleret, omnia in felicem statum restitueret, iratum Deum

Deum placaret, & denique ut cum Diabolo, *Fenris Ulfwen/ Lupo infernali*, atque peccato *Midgardis ormen* pugnaret. Quod etiam strenue tecit, & licet in certamine manus ejus fuerit vulnerata, lupum tamen infernalem validis constrinxit pedibus, & peccatum in mare præcipitavit, post quæ facinora *Thor erus* veneno lupi adflatus decepsisse perhibetur (b). His certe gentilibus longe deterriores sunt illi Christiani, qui Divinitatem Christi & opus redēmptionis in dubium vocant & acriter impugnant.

(a) Vid. *GUILL. CAVE Christianism. primit. Lib. III. p. 65.*

(b) Vid. *DALINI Histor. Parr. Tom. I. pag. 186. 128.*

§. VI.

Cum Divinitate Christi Ejusque plenaria satisfactione pro peccatis nostris arcto adeo nexu conjuncta est Ejus resurrectio a mortuis, ut hæc fidei nostræ de illis sternat fundamentum. Sicut enim mors est stipendum peccati; ita Christus, qui omnium hominum peccata in se adsumsit, mortis quoque potestati fuit obnoxius: at quum ipse simul sua passione & morte plene satisfecisset pro nobis, non potuit diutius in sepulcro detineri, quam summa ipsius sapientia necessarium duxit, ut de morte ejus penitus convinceremur. Quare tertia post obitum die a mortuis resurrexit, atque ita adfamatim probavit, se & verum esse DEum, & simul se satisfecisse pro omnium hominum peccatis. De hac

Salvatoris nostri resurrectione non tantum ingenue atque simplici modo, ne verborum argutiis cuiquam fucum facere viderentur, loquuntur Evangelistæ & Apostoli, sed etiam Judæi, quibus Christus, Ejus facta & miracula fudes in oculis fuerunt, nec non ipsi gentiles. Ad istos referimus imprimis JOSEPHUM, qui licet ipse Judæus fuerit, de Christo tamen JESU egregium hocce perhibet testimonium: Εφάντη γὰρ αὐτοῖς τρίτην ἔχων οὐέραν πάλιν ζῶν, τὰν Θεῖαν προφήτων ταῦτα καὶ ἄλλα μυριά θαυμάσια περὶ αὐτῷ εἴρηκότων, id est: *Post triduum enim redicivus ipsis apparuit, sicut Divini Prophetæ hæc aliaque innumera prodigia de eo nuntiassent (a).* Ad gentiles dum nos convertimus, statim occurrit CELSUS, qui resurrectionis Christi mentionem quidem facit; sed ita tamen, ut illam mox pinguibus Epicureorum, quorum sectæ addictus fuit, placitis convenienter explicet; resurrectionem Christi umbram tantum Iesus appellans (b). Sincerius est PORPHYRII testimonium, qui aperte testatur, *quod Dii ipsi essent professi, Christum summe religiosum, immortalemque fuisse (c).* Piura forte & planiora de re tanti momenti nobis constitissent, si acta PILATI, quorum mentionem passim faciunt scriptores, ad nos pervenissent.

(a) Vid. *Antiquit. Libr. XVIII. cap. IV.* Cui addatur vestissimus Judæorum Doctor & Princeps R. Jibuda Hacca-dash citat, ab HUETIO in demonstrat. *Evangel. p. m. 1026.* (b) Vid. *ORIGINIS Libr. contra Celsum.* (c) Vid. EUSEBII Demonstrati. *Evangel. Libr. III.*

§. VII.

Quam gravis fuerit & etiamnum sit controversia inter Lutheranos atque Calvinianos de vero sensu verborum institutionis Sacrae Cœnæ, an eadem litteraliter an vero metonymice essent accipienda, vix quemquam fugere potest: Sicut etiam constat, quod Theologi nostri firmissimis ex Scriptura Sacra de promtis argumentis probaverint veram præsentiam corporis & sanguinis Christi in Sacra Cœna. Huic dogmati si non robur, multum tamen lucis accederet, si sententiam primorum Christianorum, qui veram salutis doctrinam ex ore Christi & Apostolorum Eius hauserant, paullo penitus nobis perspectam haberemus. Sed quum hi vitam inter extrema quævis traherent, atque libros ipsorum, sua claritate fœditatem Ethnicarum superstitionum monstrantes, comburendos operose curarent Imperatores, ex Christianis primitivæ Ecclesiæ pauca discimus, quæ ad veram hujus indolem pertineant. Audiamus igitur gentiles, eisque permittamus Christianos probris lacestere, modo micam veritatis ex his colligere liceat, imitantes ita THEMISTOCLEM, qui feroci Spartanorum Regi EURYBIADI quondam dixit: *Feri, modo audi.* Calumniabantur autem Ethnici Christianos, quod in mysteriis suis fuerint Anthropophagi, & miris commentis de Puer ab illis macrato & comestio traducebant (*a*). Cum vero ipse JULIANUS Apostata (*b*), ut alios reticeam, laudet Christianos ob morum integritatem, æmulatione gentilium dignam

gnam, quis quæso non videt, quod isthæc calumnia aliquid in recessu habeat, & quod gentiles ita respexerint ad dogma Christianorum, quo profitebantur, se in Sacra Cœna manducare corpus & bibere sanguinem Christi. En! igitur non contemnendum argumentum in gratiam Lutheranorum contra Calvinianos.

(a) Vid. GUDI Paganus Christianorum laudator & fautor. Sect. I. Cap. I. §. IV. Et RHODINI Dissert. de usu & utilitate Historiarum p. 9. (b) Ita vero scribit ad ARSACIUM Galatiz Pontificem: *Cur hanc sacrorum mutationem sufficere posse credimus, neque ad ea respicimus, quibus impia Galileorum (ita Christianos vocat) Religio reverire, id est: ad benignitatem in peregrinos, ac turam ab illis in mortuorum sepultura possum ad Sanctimoniam vita, quam simulant. Quorum singula a nobis vere exsequenda esse censeo.* Vid. Epistolam LIX. p. 429. & ex ea SOZOM. Histor. Ecclæs. V. 16.

§. VIII.

Quæ de Angelis, eorum ordinibus atque ministerio nobis constant, talia sunt, ut sphæram ingenii humani, sibi relieti, superare videantur. DEum quidem, si alia nulla existentiae & attributorum ejus forent argumenta, ex operibus tamen Ejus quodammodo agnoscimus, sed quid Angeli præstiterint, quum ratio non adsequatur, nec de illis luculenter differere potest. Fateor equidem, quod in antiquissimis ZOROASTRIS atque ORPHEI Scriptis mentionem Angelorum fieri, a nonnullis perhibetur; quod si verum fuerit, profecto vel per traditionem vel per

per conversationem cum illis, quibus Divina oracula fuerunt commissa, ad eorum cognitionem pervererunt. At quod ZOROASTREM attinet, in ejus oraculis, quæ supersunt, nullibi vidimus Angelorum mentionem factam. Pavlo perplexior est de ORPHEO res, cui nempe hi tribui solent versus:

Σφ̄ δὲ Θρόνῳ πυρίεστι παρεπάσιν πολύμοχθοι

Ἄγγελοι, οἵσι μέμηδε βροτοῖς, ὡς πάντα τελεῖται.

id est: *Candenti tuo folio circumstant valde laborantes Angeli*, qui curam agunt mortalium, donec omnia sint perfecta. Sed an hi genuini satis sint in tanta præsertim carminum, ORPHEO falso tributorum, copia multi dubitant. At primos Christianos de ordinibus Angelorum fuisse convictos, cum aliunde, tum ex PROCLEO constat. Hic enim moneret, JAMBlichum doctrinam de Archangelis reprehendisse ideo, quod PLATO nullam horum fecisset mentionem, quibus subjungit: οὐδὲ Φιλόσοφος ὁ τρόπος ἦτος τῆς Σεωρίας, αἷλλα βαρβαρικῆς ἀλαζονείας μετός; id est: *Neque Philosophicus hic speculandi modus, sed barbaricæ ostentationis plenus* (a). Quid sibi velit βαρβαρικὴ ἀλαζονεία vel ex JULIANO discimus, qui isthoc nomine disciplinam Christianam insignire sivevit (b).

(a) Vid. PROCLUS in Timaeum lib. I. p. 41. (b) Vid. JULIANI Epist. LXIII. p. m. 454.

§. IX.

Dari vitam, post hanc æruminosam, aliam, ex consideratione Justitiæ atque Bonitatis Divinæ colligit quidem

dern ratio; ita tamen ut graves dubitationum processus, quibus cum interdum colluctatur, mitior Spiritus Sancti aura temperet & contiseere jubeat. De futura vita passim loquuntur gentiles, qui camporum Elysiorum hospites constituant probos, sicut impios in orco diris agitati cruciatis, firmiter docuerunt. Enimvero quo clariorem vitæ æternæ cognitionem habuerunt primi Christiani, eo etiam tranquilliori animo calamitates & tormenta quævis sustinuerunt, probe gnari, quod per immitterita supplicia ipsis via patesceret ad æternam gloriam & gaudia nunquam cessatura. Hoc de illis fatetur LUCIANUS, quamvis simul gravissimis probris eos lacebat: πεπίσκαστο γάρ, inquit, αὐτὸς οἱ να-
κόδαιμον τὸ μὲν ὄλος ἀγάρατο ἐστεθαῖ, τὸ δὲ βιωσεθαῖ τὸ
αἰώνιον χρόνον, id est: Etenim sibi persuadent miseri illi, se
omnino immortales fore & perpetuo victuros. Quibus
addit: παρ' οὐδὲ παταφρούσσῃ τῷ θαράτῳ, νέδει ἔκοπτες αὐ-
τοὺς ἐπιδιδόσσου οὐ ποιδοι. hoc est: Idcirco mortem con-
temnunt, & multi ultiro se occidendos tradunt (a). Qui
bus potissimum indicat Martyrum constantiam in rigo-
re mortis subeundo, quæ tanta fuit, ut gentiles etiam,
qui durissima gerere pectora credebantur, in stupro-
rem verterentur, & quidam eorum Divinam religio-
nis Christianæ indolem agnoscerent, agnitamque am-
pleteerentur. Propter hanc spem melioris futuræ vitæ
Christiani a Gentilibus dicti fuerunt ἐλπιζηκοι, quos in
hunc modum describit PLUTARCHUS: οι προσαγο-
γεῦσθες ἐλπιζηκοι Φιλόσοφοι συνέκτικάτοι ἔιναι τῷ θίβῃ
ἐλπίζειν ἀποφάνονται, id est: Philosophi, Elpistici appellati, vitam potissimum spe contineri adfirmant: enaque ab-
scissa,

scissa, & oblectatione, quæ ex ea oritur, vitam non posse tolerari (b). Exprobrat eandem Christianorum spem CÆCILIUS apud MINUTIUM FELICEM (c): *Aniles, inquit, fabulas adstruunt, renasci se ferunt post mortem, & cineres & favillas: & nescio qua fiducia mendacis suis invicem credunt: putas, eos jam revixisse: Anceps analum & gemina dementia cælo & astris, que sic relinquisus, ut invenimus, interitum denunciare; sibi mortuis & extinctis, qui, sicut nascimur, ita interimus, eternitatem repromittere.*

(a) Vid, LUCIANI Oper. Tom. II, p. 559. seq. (b) In Questionibus convivalibus Libr. I, C. 4. (c) Cap. XI,

¶. X.

Hæc ea sunt, quæ circa præsens argumentum tenuis nostra Minerva proferre constituit. Eant nunc, qui salutiferam nostram Religionem, quod omnia ejus momenta ingenio suo adiequi nequeant, temere impugnant, eant, inquam, ad gentilium Philosophos, quos tantopere admirantur, videantque partim quod nihil noeuerint Religioni, quod non argumentis sed argumentis tantum vel convitiis candidam hanc cæli filiam sint aggressi, partim quod testimonia de primitiva Ecclesia nobis præter spem & opinionem suam reliquerint, quibus carere nullo modo vellemus. Discant ad obscuras horum tædas ea, quæ ex pleno Scripturæ Sacræ lumine cognoscere nolunt; nec illis sint detiores aut studiores, qui barbarei tenebris fuerunt involuti, Di-

scant denique ex PLATONE, veterum Philosophorum Coryphæo, viribus ingenii sui, cuius hebetudinem atque infirmitatem toties experiuntur, posthac diffidere, nec quererere negligant illum portum, quem inter vitæ procellas ipse illis proponit scilicet ἀγνοεῖς οὐσίαν την (a), quem Scripturam Sacram a PETRO οὐσίαν καὶ θεωρεῖς ἀγνοεῖς dictam (b), agnoscimus. Sic DEUS, qui ipsa est veritas, fulgore verbi sui eos collustrabit, ut de veritate religionis Evangelicæ multo firmius, quam per gentilium effata fieri potest, convincantur.

(a) Vid. PLATO in Phædone p. 604. oper. Tom. II. (b)
2 Pet. 1: 19.

S. D. G.

*Morum pariter ac doctrinæ elegantia conspicuo:
DOMINO AUCTORI.*

Quam diligenter in studio litterarum verseris, Amice Honeratissime, satis superque indicat præsens dissertatio Tua, egregie admodum elaborata, in qua singularis Tua industria & diligentia eximium in modum sese produnt. Mei itaque officii plane immemor essem, nisi hac opportuna frueret occasione, latitudinem meam testatam reddendi; præfertim quum a multis retro annis varia amicitia Tux expertus sim documenta. Decurre alacriter, ut cœpisti, stadium in his Musarum castris, feliciter molestias devora; Sic Divina Providentia, quæ sedulam virtutis atque eruditio[n]is cultorum agit curam, laboribus Tuis adsfatim benedicet & uberrimam diligentiam ac morum messem Tibi propediem concedet.

ANDREAS FORSELIUS.